

1829–1831 թթ. ԱՐԵՎԵԼՅԱՆ ՇԻՐԱԿՈՒՄ ՀԱՍՏԱՏՎԱԾ
ԿԱՐՍԵՑԻ ՎԵՐԱԲՆԱԿՆԵՐԻ ԹՎԱՔԱՆԱԿԻ ՇՈՒՐՁ

ԱՐՄԵՆ ՀԱՅՐԱՊԵՏՅԱՆ

1828–1829 թթ. ռուս-թուրքական պատերազմն ավարտվեց Ռուսաստանի հաղթանակով, սակայն օգտվել դրա պտուղներից վերջինս չկարողացավ: Սեպտեմբերի 2-ին Ադրիանապոլսում կնքված հաշտության պայմանագրով Ռուսաստանին անցան միայն Անդրկովկասի սևծովյան առափնյա շրջանները՝ Անապա, Փոթի նավահանգիստներով և Ախալցխայի փաշայության մի մասը՝ Ախալցխա ու Ախալքալաք ամրոցներով: Արևմտյան Հայաստանում գրավված մյուս ընդարձակ շրջանները՝ արևմտաեվրոպական երկրների ճնշման տակ, վերադարձվեցին Թուրքիային¹:

Թուրքական լծից ազատվելու արևմտահայության սպասելիքներն այս անգամ ևս չիրականացան: Պայմանագիրը խորը հիասթափության մեջ դրեց մի ողջ ժողովրդի, որ նպաստել էր ռուսական զենքի հաջողությանը և այժմ մենակ մնացել թուրքական վրեժխնդրության առջև: Թուրքական իշխանությունների ընդգծված հայատյացությունը, ինչպես նաև նորանվաճ երկրամասի հավատարիմ տարրով վերակենդանացնելու հրամայականը, առիթ տվեցին ռուսական կողմին պայմանագրի XIII հոդվածի հիման վրա թուրքահպատակ քրիստոնյաների զանգվածային վերաբնակեցում կազմակերպելու: Այն սկսվեց 1830 թ. գարնանը և հակառակ թուրքական իշխանությունների հարուցած խոչընդոտներին՝ Ախալցխայի և Ախալքալաքի գավառներ, Փամբակ-Շորագյալի ուղեմաս, Սևանա լճի ավազան, նաև Ապարանի ու Թալինի մահալներ բերեց մոտ 12300 ընտանիք կամ 78000 մարդ²:

Արևմտահայության այդ տեղաշարժը ոչ միայն վերականգնեց Արևելյան Հայաստանի և մասնավորապես նրա հյուսիսային հատվածի բնակչության ժողովրդագրական նախկին հայեցի պատկերը, այլև նպաստեց տարածաշրջանի բնակչության մեջ հայ տարրի զգալի ավելացմանը, ազգային կազմի քանակական աճին ու որակական փոփոխմանը՝ վերածելով Հայաստանի Արևելյան հատվածը հայ ժողովրդի ազգահավաքման օջախի:

Հարցի նման կարևորությամբ միայն կարելի է բացատրել այն լուրջ հետաքրքրությունը, որ հանդես է բերել հայ պատմագրությունը արևմտահայության վերաբնակեցման հարցի նկատմամբ: Դեռևս 2005 թ. Շիրակ գավառի Արևելյան հատվածի XIX դ. առաջին կեսի ժողովրդագրական

¹ Հայաստանը միջազգային դիվանագիտության և սովետական արտաքին քաղաքականության փաստաթղթերում (1828–1923 թթ.), Երևան, 1972, էջ 73–82:

² Ա. Հ ա յ ր ա պ ե տ յ ա ն. Արևմտահայ գաղթականության տեղաբաշխումը Շորագյալի գավառում (Արևելյան Շիրակ) 1829–1831 թթ.– ԳԱԱ ՇՀՀ կենտրոնի «Գիտական աշխատություններ», հ. 5, Գյումրի, 2002, 153–168:

պատկերի ուսումնասիրության շրջանակներում մենք ևս անդրադարձել ենք արևմտահայության վերաբնակեցման, գավառի բնակչության էթնոկրոնական պատկերի վրա այդ տեղաշարժի թողած ազդեցության անչափ հետաքրքիր ու կարևոր խնդիրների քննությանը³: Այն ժամանակ ձեռքի տակ ունեցած վիճակագրական բնույթի վավերագրերում առկա թերացումներն ու բացթողումները մեզ հնարավորություն չտվեցին այս հարցում լուրջ հաջողությունների հասնելու: Եվ միայն վերջին տարիների մեր ուսումնասիրությունները Հայաստանի Ազգային և Վրաստանի պատմության կենտրոնական պետական արխիվներում այս ուղղությամբ պսակվեցին հաջողությամբ:

Ինչպես արդեն նշեցինք, արևմտահայության զանգվածային վերաբնակեցումը սկսվեց 1830 թ. գարնանը: Սակայն մեծ թվով արևմտահայեր Ռուսաստանում քիչ թե շատ բարեկեցիկ կյանք գտնելու ակնկալիքով, ռուս-թուրքական նորահաստատ սահմանն անցան ու Արևելյան Հայաստանի ռուսահպատակ շրջաններում բնակություն հաստատեցին արդեն 1829 թ. նոյեմբեր-դեկտեմբեր ամիսներին: Սրանց մեջ կարսեցիները կազմում էին 495 ընտանիք և տեղաբաշխվեցին հետևյալ կերպ. փաշայության տարբեր գյուղերից էլած 95 ընտանիք՝ համաձայն Կովկասյան հաստուկ կորպուսի հրամանատար Բ. Պասկևիչի՝ Վրաստանի քաղաքացիական նահանգապետ Պ. Դ. Չավիլեյսկուն ներկայացրած դեկտեմբերի 3-ի զեկուցագրի, գեներալ Ն. Պ. Պանկրատևից անցագրեր ստանալով հաստատվեցին Լոռիում, իսկ կարսեցի արհեստավորների 400 ընտանիք գեներալ-մայոր Բերխման Ա-ի կողմից ուղարկվեցին Գյումրի⁴:

Մինչև զարուն լուծվեցին նաև վերաբնակեցման հետ կապված հարցերը: Կարսեցիները նախընտրեցին հաստատվել Գյումրիում, Շորագյալի, Լոռի-Փամբակի գավառներում և Արագածի ամայի գյուղերում⁵: Ավարտին հասցվեց ռուսական տիրույթներում վերաբնակվել ցանկացողների ցուցակագրումը: Համաձայն Կարսի մարզի ժամանակավոր վարչության պետ՝ գեներալ-մայոր Բերխման Ա-ի 1829 թ. դեկտեմբերի 12-ին Բ. Պասկևիչին ներկայացրած -3119 զեկուցագրի՝ նահանգի 56 բնակավայրերից ռուսական տիրույթներ տեղափոխվելու ցանկություն էր հայտնել 2035 ընտանիք կամ մոտ 12210 մարդ (1 ընտանիքը միջինը 6 մարդ), որոնցից 130 ընտանիքը Կարս քաղաքից, իսկ մնացած 1905-ը՝ 55 գյուղերից: Սրանցից 1703 ընտանիքը ցանկություն էր հայտնել հաստատվել Շորագյալի գավա-

³ Ա. Հ ա յ ր ա պ ե տ յ ա ն. Արևելյան Շիրակը XIX դարի առաջին կեսին (պատմաժողովրդագրական ուսումնասիրություն), Գյումրի, 2005:

⁴ Акты, собранные Кавказской Археологической Комиссией («ՅԼԼԾԽՇ»-ը՝ АКАК), т. 7. Тифлис, 1878, с. 831.

⁵ Մ. Դ ա ր բ ի ն յ ա ն. Արևմտահայերի 1829–1830 թթ. գաղթը Հայկական մարզ և հարակից շրջաններ.– ՊԲՀ, 1974, -2, էջ 94: Բ դեպ, այս շրջանները կարսեցիներով բնակեցնելու ծրագիրն իրականում պատկանում էր Բ. Պասկևիչին, ով դեռևս 1829 թ. հունվարի 5-ին Նիկոլայ Ա ցարին գրած իր նամակում առաջարկում էր. «Ախալցխայի փաշայությունից գաղթեցնել նրան սահմանակից Քարթլի, Թրիալեթ և Սոմխեթ, Կարսի փաշայությունից Փամբակի և Շորագյալի ուղեմասեր ու Հայկական մարզի վերին շրջաններ՝ Արփաչայից մինչև Թալին և վերջապես Բայազետի փաշայությունից՝ Հայկական մարզի այն մասը, որը գտնվում է Արաքսի ձախ ափին» (մանրամասն տե՛ս АКАК, т. 7, с. 831):

ում, 299-ը Արագածի շրջակա ամայի գյուղերում, իսկ 33-ը՝ Փամբակի գավառում⁶ (տե՛ս աղ. 1):

Աղյուսակ 1

Որտեղի՞ց են գալու	Ընտանիք հայ	Որտեղ են հաստատվելու		Ու՞մ ենթակայության տակ են լինելու
		գավառը	բնակավայրը	
Արալիս	20	Շիրակ	Դահարլի	պրապորշիկ Մարտիրոս Վեքիլով
Փարկիտ	30			
Աստախանա	30	Արագածի շրջակայք	Կարաբուլաղ	
Տայնալիս	20	Շիրակ	Չիրպիլի	պրապորշիկ Մարտիրոս Վեքիլով
Օլուխլի	25			
Մևրեկ	25			
Տեկոր	20			
Օլսօղլի	20	Արագածի շրջակայք	Քեփենսի	
Բաշ Շորագյալ	35	Շիրակ	Եսաուլ	
Օղուզլի	30	Շիրակ	Ղափլի	գանձարան
Բաշ Քեղիկլար	40	Շիրակ	Սոնգուղի	գանձարան
Տիքնիս	33	Փամբակ	Բեքանդ	Մուղղուսի Հակոբ Տիգրանյան
Ղարաղալա	22	Շիրակ	Բաշգյուղ	գանձարան
Հաջիվելի	28			Մուղղուսի Գալուստ
Քուլվերան	40	Շիրակ	Թալիբօղլի	գանձարան
Սորխանլի	13			
Ղզլախչախի	25	Շիրակ	Քեթի	գանձարան
	20		Իլլի Ղարաքիլիսա	
Աղջաղալա	25	Շիրակ	Քեթի	գանձարան
Զոչի	20	Արագածի շրջակայք	Շավշայու-դշլաղ	Մուղղուսի Ավո
	20	Արագածի շրջակայք	Աղջաղալա Վերին	Մուղղուսի Ավո և Բաղդասար
Քեչեբորք	40	Շիրակ	Ղազանչի	թիֆլիսցի Հակոբ
Ջամուշի	50	Շիրակ	Եգանլար	Մարտիրոս Վեքիլով
Քենակ	30	Շիրակ	Ադին	գանձարան
Աղյուզում	30			
Այաշ-Քեղիկլար	48	Շիրակ	Սոգուղի	գանձարան
Ղարախան	28	Արագածի շրջակայք	Բազարջուղ	գանձարան
Տաշնիկ	23	Արագածի շրջակայք	Աղջաղալա Վերին	գանձարան
Բեքեմ	40	Շիրակ	Սոնգուղի	գանձարան
Օրթաբյաղիկլար	25	Շիրակ	Բոզորդան	գանձարան
Բայրախդար	15	Շիրակ	Թավշանդշլաղ	գանձարան
ՈՒԳունքիլիսա	20	Շիրակ	Դիրաբլար	գանձարան

⁶ Վրաստանի պատմության կենտրոնական պետական արխիվ (այսուհետև՝ ՎՊԿՊԱ), Ֆ. 548, ց. 5, գ. 393, թ. 77–80:

	30	Արագածի շրջակայք	Գյուլար	կապիտան իշխան Կ. Բ. Բագրատիոն- Մուխրանսկի
Բնճե-Սու	18	Շիրակ	Բաշգյուղ	գանձարան
	25		Ղութնիղշլաղ	Մուղղուսի Գալուստ
Ջարջա (Ջուռիճու)	80	Շիրակ	Մահմուդջուղ	գանձարան
Աքրակ (Ագարակ)	28	Արագածի շրջակայք	Գյուլաբի	կապիտան իշխան Կ. Բ. Բագրատիոն- Մուխրանսկի
Ղոշավանք	35	Շիրակ	Ղզըլբիլիսա	գանձարան
Արգինա	25	Շիրակ	Փոքր Ղարաբիլիսա	գանձարան
Կալա Օղլի	45	Շիրակ	Հաջինագարդուլի	39-րդ Եզերական գնդի պրապորշչիկ Մակրի- պակի
Իսլամաձոր	35	Շիրակ	Ղանլիջա	
Վիգին քյոյ	30	Շիրակ	Բլլի Ղարաբիլիսա	Գնորգ և Մուղջավո
Կոտանլի Վերին	23	Շիրակ		Մուղղուսի Ավո
Արդոստ	11	Արագածի շրջակայք	Քաստալի	Մուղղուսի Ավո
Իլանլու	19			Տիգրանյան
Չորլու	35	Շիրակ	Բոստանչի խարաբա	գանձարան
Նախչվան	60	Շիրակ	Եգանլար	գանձարան
	60		Ղըրիդագիրման	Հակոբ Մեդեկ օղլի
Սելինիքյոյ	35	Շիրակ	Մոլլա Գյուկչա	գանձարան
Բերնա	28	Շիրակ	Թոմարտաշ	գանձարան
Ղարաբիլիսա	22			գնդապետ Մարգար Աղա
Չիրայուլի	25	Շիրակ	Մեջիթլի	Մուղղուսի Ավո և Մկո
Բենգլի Ահմեդ	100	Շիրակ	Արթիկ	Մուրադ Հակոբյան, Մուղղուսի Ավո
Փալդրվան	31	Շիրակ	Դուզբենդ	Մարտիրոս Վեթիլով
Ենգի-քյոյ	40	Շիրակ	Օրթաբիլիսա	Հակոբ Մեդեկ օղլի
Ջալիմ	42	Շիրակ	Արըխվալի	Հակոբ Մեդեկ օղլի
Թալգաուր	29			
Քուչակ	30	Արագածի շրջակայք	Ջանգի-քարվանսարա	Մարտիրոս Վեթիլով
Քերս	34	Շիրակ	Ղուլիջան	թիֆլիսցի Հակոբ
Աղեմբեկ	40	Արագածի շրջակայք	Մելիքբենդ	գանձարան
Կարսից	130	Շիրակ	վերաբնակեցման վայրն անհայտ է	անհայտ է
ընդամենը	2035 ընտանիք կամ մոտ 12210 մարդ (1 ընտանիքը միջինը 6 մարդ)			

Հայերի կողմից վերաբնակների քարավանները առաջնորդելու էին Ստեփանոս արքեպիսկոպոս Խաժակյանը, կարսեցի աղաներ Մուղղուսի Ավոն, Մեծ ու Փոքր Հակոբները, Նազարեթ ու Սարգիս Դիլանյանցներն⁷ ու

⁷ Դիլանյանց կամ Տիգրանյանց երևելի գերդաստանի Գյումրիում հաստատվելու և այստեղ ծավալած գործունեության մասին մանրամասն տե՛ս Հ. Մ ու ռ ա դ յ ա ն. Կարսի

Մկրտիչ Հարությունյանը⁸: Ռուսական կողմից Կարսի նահանգի հայության վերաբնակեցման պատասխանատու պրիստավ էր նշանակվել պրապորշչիկ Մարտիրոս Վեքիլյանը:

Որպես պարսկահպատակ հայերի գաղթի տրամաբանական շարունակություն՝ արևմտահայության տեղահանումն ու վերաբնակեցումն անդրկովկասյան երկրամասում ընթանալու էր նախօրոք մշակված ծրագրի համաձայն: Թիֆլիսում Վրաստանի քաղաքացիական նահանգապետ Պ. Դ. Ջավիլեյսկու նախագահությամբ ստեղծվեց Գաղթականական կոմիտե, որի պարտականությունն էր նորեկների ընդունման ու տեղավորման հետ կապված հարցերի լուծումը⁹: Կոմիտեն մինչև 1830 թ. գարուն մանրամասն տեղեկություններ հավաքեց պետական ամայի հողատարածությունների վերաբերյալ, ինչպես նաև մշակեց Թուրքիայից քրիստոնյաներին տեղափոխելու և ռուսական տարածքներում վերաբնակեցնելու ընդհանուր կանոնները¹⁰: Օրինակ՝ վերաբնակեցում կազմակերպող հանձնաժողովին ցուցում տրվեց եկվորներին բնակության նոր տեղեր հատկացնելու ժամանակ նկատի ունենալ նրանց նախկին բնակավայրերի բնակլիմայական պայմանները, բնակեցնել ամբողջական գյուղերով, առանց միմյանցից անջատվելու, այնպես, ինչպես բնակվելիս են եղել մինչ այդ¹¹: Այս և այլ կանոնների ըստ ամենայնի կիրառումը մեծ բարդությունների հետ կապված չէր: Սակայն իրականում այն գործնական կիրառություն ունեցավ Շորագյալի գավառի՝ արևմտահայերով համալրված 75 գյուղերից միայն 39-ում, ընդ որում ամբողջությամբ ու անթերի՝ միայն 23-ում¹²: Վերջիններիս վերաբերյալ կարելի է առանց վարանելու ճշտիվ նշել, թե Արևմտյան Հայաստանի ո՞ր նահանգի ո՞ր գյուղից քանի՞ ընտանիք Շորագյալի ո՞ր գյուղում է հաստատվել:

Մնացած 16 գյուղերում վերաբնակեցումը կարգավորող այս կանոնները կիրառվեցին միայն մասնակիորեն: Այսպես, 8 գյուղերում արևմտահայերը տեղավորվեցին ոչ թե համաձայն «գյուղից գյուղ» կարգի, այլ դեռևս ճանապարհին կիսվելով հաստատվեցին տարբեր գյուղերում: Իսկ քանի որ վերաբնակեցման հաջորդ փուլերի ընթացքում այդ գյուղերում կարսեցիներին բացի հաստատվեցին նաև Արևմտյան Հայաստանի այլ շրջաններից եկածներ, ապա պարզել, թե առաջին եկվորները քանիսն էին, հնարավոր է

նահանգի վարչաժողովրդական նկարագիրը 19-րդ դարի առաջին երեսնամյակին, Երևան, 2006, էջ 165:

⁸ Կրպպե. Կարս քաղաքը, Մոսկվա, 1893, էջ 97:

⁹ АКАК, т. 7, с. 831–832.

¹⁰ Համաձայն 1819 թ. հոկտեմբերի 22-ի օրենքի՝ վերաբնակիչները վեց տարով ազատվում էին պետական հարկերի և երեք տարով՝ զեմստվային պարտքերի վճարումից (մանրամասն տե՛ս Д ю л о р ь е. Армяне в 1854 году.– «Кавказ» (Тифлис), 1854, 20 октября, 122, с. 332.):

¹¹ Ալ. Երիցյան. Ամենայն հայոց կաթողիկոսությունը և Կովկասի Հայք XIX դարում, հ. Ա, Թիֆլիս, 1894, էջ 328:

¹² Հայաստանի ազգային արխիվ (այսուհետև՝ ՀԱԱ), ֆ. 47, ց. 2, գ. 46, 82, 107, 112, 138, նաև՝ Տեղագրական պատարիկներ. Արևելյան մասն Շիրակա.– □Արևելյան մամուլ□ (Զմյուռնիա), թիվ 17, 1 սեպտեմբերի, 1898, էջ 659, թիվ 19, 1 հոկտեմբերի, էջ 738, թիվ 22, 15 նոյեմբերի, էջ 855–858, թիվ 23, 1 դեկտեմբերի, էջ 889–890, թիվ 24, 15 դեկտեմբերի, էջ 934–935, թիվ 3, 1899, 1 փետրվարի, էջ 109–112, թիվ 5, 1 մարտի, էջ 196–198, թիվ 6, 15 մարտի, էջ 235:

միայն մասամբ: Օրինակ՝ Կարսի փառաբանության Ինչոքեր գյուղից եկածները, բաժանվելով երկու մասերի, հաստատվեցին Շորագյալի գավառի Մեծ ու Փոքր (Վերին և Ներքին) Ղանիջաներում, ընդ որում, վերջինում՝ նույն փառաբանության Պեշիկիսու ազարակից, Դերջանից և Մուշից եկածների հետ համատեղ¹³: Այդ պատճառով էլ ստույգ հայտնի է միայն Մեծ Ղանիջայում հաստատված ինչոքերցիների թիվը¹⁴: Եթե ինչոքերցիների թիվը գոնե մասամբ հայտնի է, ապա նույնը չի կարելի ասել ջոմուշլեցիների մասին, քանզի սրանք հաստատվեցին Շորագյալի գավառի Դուզքենդ (Ախուրյան) և Եզանլար (Արնշատ) գյուղերում, առաջինում՝ Կարսի փառաբանության Շահնալարից, Փալղրվանից, Քյուրուկդարայից, երկրորդում՝ Բուիկից եկածների հետ համատեղ¹⁵:

Նշված 16 գյուղերից ևս 8-ում՝ Բայանդուր, Դահարլի (Գետք), Քյալալի (Նորաբեր), Չիրպիլի (Ջուզաղբյուր), Ճլովխանլի, Թումարտաշ (Վարդաքար), Հայկական Գյոզաղդարա (Գեղաձոր), Ղոնախդոան (Շիրակ), արձանագրել ենք արևմտահայերի տեղաբաշխման կարգի խախտման մեկ այլ ձև: Խոսքն այն մասին է, որ եթե առաջին դեպքում միևնույն գյուղից ելածները, դեռևս ճանապարհին բաժանվելով մասերի, Շորագյալի գավառում հաստատվել էին տարբեր գյուղերում, ապա այս անգամ տեղի էր ունեցել ուղղակի հակառակը՝ Շորագյալի գավառի միևնույն գյուղ էին եկել նույն նահանգի միանգամից մի քանի գյուղերից¹⁶: Ուստի և վերջնական հաշվառման ժամանակ նշվել է Շորագյալի տվյալ գյուղերում հաստատվածների միայն ընդհանուր թիվը:

Այնուամենայնիվ, հնարավոր է հաշվել, թե գավառի նշված 39 գյուղերում Արևմտյան Հայաստանի որ նահանգից քանի ընտանիք է եկել, ինչը մեզ համար առաջնային կարևորության խնդիր է: Այլ է դրությունը արևմտահայերով համալրված մնացած գյուղերում: Սրանցից յուրաքանչյուրում միանգամից հաստատվեցին Արևմտյան Հայաստանի տարբեր շրջաններից եկածներ, ընդ որում՝ առանց նախնական հաշվառման, ինչի պատճառով էլ գրեթե անհնար է նշել, թե Շորագյալի տվյալ գյուղերում հաստատվածների ընդհանուր թվից զրանցից յուրաքանչյուրում Արևմտյան Հայաստանի ո՞ր շրջանից քանի ընտանիք է տեղավորվել¹⁷:

¹³ Ն. Նիկողոսյան. Շիրակի գյուղական կյանքից. «Արարատ», թիվ Է-Ը, Էջմիածին, 1904, էջ 692:

¹⁴ ՀԱԱ, ֆ. 93, ց. 1, գ. 86, էջ 299-305:

¹⁵ Քաջբերունի. Հիշողություններ. «Լուսա» (Թիֆլիս), 1903, -3, մայիս-հունիս, էջ 107, նույնի՝ Ալեքսանդրապոլից դեպի Կարին. «Փորձ» (Տփլիս), -5, մայիս, 1879, էջ 180-182:

¹⁶ Տեղեկագրական պատարիկներ. Արևելյան մասն Շիրակա. «Արևելյան մամուլ», թիվ 15, 1 օգոստոսի, 1898, էջ 585, 586, թիվ 17, 1 սեպտեմբերի, էջ 657-658, թիվ 22, 15 նոյեմբերի, էջ 757-758, թիվ 24, 15 դեկտեմբերի, էջ 935-936, թիվ 5, 1 մարտի, 1899, էջ 196, նաև՝ ՀԱԱ, ֆ. 47, ց. 2, գ. 37, 70, 121, 153:

¹⁷ Արևմտահայերի վերաբնակեցման ընթացքում թույլ տրված ևս մեկ կոպիտ թերացում կարելի է համարել քաղաքային դասի՝ Շորագյալի գավառում տեղավորվելը: Ստեղծվեց մի պարադոքսալ իրավիճակ, երբ շուրջ 1399 ընտանիք նախկին քաղաքաբնակներ հաստատվեցին մի տարածքում, ուր որևէ քաղաքատիպ բնակավայր գոյություն չուներ (մանրամասն տե՛ս 3. Գեղամյան և Գ. Ախալցխայից մինչև Անի. «Փորձ», 1880, №4, ապրիլ, էջ 56):

Այժմ անդրադառնանք Շորագյալի գավառում կարսեցիների ըստ բնակավայրերի տեղաբաշխման հարցին: Ինքնին դժվարին այս խնդրի իրագործումն էլ ավելի է բարդանում ձեռքի տակ եղած պատմական աղբյուրների սակավաթիվ և թերի լինելու պատճառով: Վերջիններս մենք պայմանականորեն բաժանել ենք երկու խմբի. առաջին խմբին պատկանող աղբյուրներում («Արևելյան մամուլ»¹⁸, Ս. Ջալալյան¹⁹, Ս. Էփրիկյան²⁰, Ղ. Ալիշան²¹, «XIX դարակեսի եկեղեցական չափաբերական մատյաններ»²², մասամբ նաև՝ «Հայաստանի և հարակից շրջանների տեղանունների բառարան»²³) տրվում են միայն աշխարհագրական տվյալներ, այսինքն՝ նշվում է նորեկների որտեղից լինելն ու Շորագյալի գավառի որ գյուղում հաստատվելը. այսպես, օրինակ, Կարսի նահանգի Բնջե-Սու գյուղից Շորագյալի գավառի Ղութնիղջլաղ (Հովտաշեն) գյուղ²⁴: Բայց նմանօրինակ կոնկրետ նշումներ տրվել են գավառի միայն 37 գյուղերում հաստատվածների մասին: Մնացած 38 գյուղերում²⁵ տեղավորվածներին անդրադառնալիս այդ նույն աղբյուրները բաց են թողնում վերաբնակիչների որտեղից լինելու մասին մանրամասները կամ ուղղակի նշում՝ Արևմտյան Հայաստանի այս կամ այն նահանգից Շորագյալի գավառի այս կամ այն գյուղ. օրինակ՝ Կարսի, Բասենի, և Ալաշկերտի շրջաններից Շորագյալի գավառի Սվանվերդի (Լուսաղբյուր) գյուղ²⁶:

Երկրորդ խմբին պատկանող աղբյուրները 1842 թ. կազմված կամերալ ցուցակագրման ձեռագիր մատյաններն են կամ, այսպես կոչված, «О турецких переселенцах» («Թուրքական վերաբնակիչների մասին»)՝²⁷ ստվարածավալ աշխատությունը, որը, ի հակադրություն վերը նշվածների, շրջանցում է արևմտահայերի որտեղից լինելու և Շորագյալի գավառի որևէ գյուղում հաստատվելու կարևորագույն հարցը՝ շեշտը դնելով միայն թվային տվյալների ներկայացման վրա: Մա իր հերթին թույլ չի տալիս Արևմտյան Հայաստանի տարբեր նահանգներից Շորագյալ տեղավորվածների քանակի մեջ անել այնքան կարևոր թվային սահմանազատում: Օրինակ ըստ վերոհիշյալ փաստաթղթի 1828–1830 թթ. Շորագյալի գավառի

¹⁸ Տեղեկագրական պատառիկներ. Արևելյան մասն Շիրակա.– □Արևելյան մամուլ□, 1898–1899:

¹⁹ Ս. Ջալալյան. Ճանապարհորդություն ի Մեծն Հայաստան, մասն Ա-Բ, Տիփլիս, 1842–1858:

²⁰ Ս. Էփրիկյան. Պատկերագրող բնաշխարհիկ բառարան, հ. Ա-Բ, Վենետիկ, 1903–1907:

²¹ Ղ. Ալիշան. Շիրակ, Վենետիկ, Ս. Ղազար, 1881:

²² ՀԱՍ, ֆ. 47, ց. 1, գ. 659–663, 859, 860, 863, 865, 920–923, ց. 2, գ. 1, 18–23, 37–39, 46–48, 69–75, 79–83, 89–92, 98, 102–115, 120–121, 128–140, 146–158, 195, 201, 225, 237, 415–516, 530, 621, 626, 630, ց. 3, գ. 199, ց. 6, գ. 37, 59, 119, 152, 167, 179, 248:

²³ Հայաստանի և հարակից շրջանների տեղանունների բառարան, կազմեցին՝ Թ. Հակոբյան, Ստ. Մելիք-Բախչյան, Հ. Բարսեղյան, հ. 1–5, Երևան, 1986–2001:

²⁴ Ս. Էփրիկյան. նշվ. աշխ., հ. Բ, էջ 68:

²⁵ Շորագյալի գավառի 76 գյուղերից միակը, որն ընդհանրապես վերաբնակիչներով չհամարվեց Թաթարական Գյոզալդարան էր՝ այժմյան Գեղաղիբը (մանրամասն տե՛ս Ա. Հայրապետյան. Արևելյան Շիրակը XIX դարի առաջին կեսին, էջ 86):

²⁶ Տեղեկագրական պատառիկներ. Արևելյան մասն Շիրակա.– □Արևելյան մամուլ□, թիվ 6, 15 մարտի, 1899, էջ 239:

²⁷ ՀԱՍ, ֆ. 93, ց. 1, գ. 85, 86:

Փոքր Ղարաքիլիսա գյուղում հաստատվել է 100 ընտանիք (537 մարդ)²⁸: Բայց թե դրանց մեջ կոնկրետ որքա՞նն էին պարսկահպատակներ, որքա՞նը արևմտահայեր և որտե՞ղ էին նախկինում ապրել, փաստաթուղթը լռում է:

Այսպիսին են մեր կողմից օգտագործված աղբյուրների երկու խմբից յուրաքանչյուրի միակողմանիությունները: Այնպես որ, Շորագյալի գավառի տարածքում կարսեցիների տեղաբաշխումը կարելի է նկարագրել միայն այս երկու խմբի աղբյուրների համադրությամբ, ինչն էլ կփորձենք իրագործել:

Եվ այսպես, 1830 թ. վաղ գարնանը վերաբնակեցումը սկսվեց: Կարսի նահանգի քրիստոնյաները առաջինն անցան ռուս-թուրքական սահմանը: Սկսվելով 1829 թ. դեկտեմբերի սկզբին՝ նպաստ չպահանջող 400 ընտանիք Գյումրիում հաստատվելու համար գեներալ-մայոր Բերխմանի կողմից անցազրեր տալու պահից, կարսեցիների տեղաշարժը շարունակվեց երկու-երեք ամիս և համարյա ավարտվեց 1830 թ. ամռան սկզբներին: Արդյունքում՝ շուրջ 2464 ընտանիք՝ երեք փուլով՝ նախ 400 ընտանիք, ապա 1840 ընտանիք և, վերջապես, 224 ընտանիք դեռևս 1829 թ. հունվարի 5-ին ցարին Բ. Պասկևիչի ներկայացրած նախագծի համաձայն տեղավորվեցին Փամբակ-Շորագյալի ուղեմասում, Հայկական մարզում և Թալինի մահալում²⁹:

Հետագայում կարսեցի վերաբնակների թվաքանակի պարզաբանման ժամանակ առաջացան որոշ դժվարություններ: Վերջիններիս թիվը տարբեր աղբյուրներում տատանվում էր նվազագույն 2255 ընտանիքից³⁰ մինչև առավելագույն 2467 ընտանիք³¹: Պատճառը հետևյալն էր: Կարսեցիների հեռանալուց հետո ռուսական կառավարության կողմից նահանգի դաշտերի բերքը հայտարարվեց գնված, այնպես որ նոր բնակավայրերում հաստատվելուց հետո մեծ թվով վերաբնակներ ռուս զինվորների ուղեկցությամբ հետ վերադարձան բերքահավաքի: Պետական պաշտոնական փաստաթղթերում կարսեցիների թվաքանակի մասին նշվում է իրականությանն ավելի մոտ թիվ՝ 2464 ընտանիք կամ մոտ 14500 մարդ, որից 2264 ընտանիքը կամ շուրջ 13935 մարդը տեղավորվեց Փամբակի և Շորագյալի գավառներում, իսկ 200 ընտանիք էլ Հայկական մարզում ու Թալինի մահալում³²:

Այժմ փորձենք պարզել, թե Փամբակ-Շորագյալի ուղեմաս եկած կարսեցիների ընդհանուր թվից ո՞ր մասը հաստատվեց միայն Շորագյալի գավառում: Արևմտահայերի վերաբնակեցման նախօրեին Շորագյալի գավառում

²⁸ ՀՍՍ, գ. 86, էջ 339–361, 197–206, գ. 85, էջ 215–223:

²⁹ Документы и материалы по истории армянского народа. Социально-политическое и экономическое положение Восточной Армении после присоединения к России (1830–1870), док. 16. Ереван, 1993, с. 76.

³⁰ Նկարագիր գաղթականության հայոց ի Պարսկաստանե ի Ռուսաստան, Մոսկվա, 1832, էջ 103–104:

³¹ Ալ. Երիցյան և Գ. նշվ. աշխ., մաս Ա, էջ 442, Ե. Գեղամյան. Պատմական քաղվածքներ, պ. 3, մ. 1, Բաքու, 1909, էջ 819:

³² АКАК, т. 7, с. 847.

բացի Գյումրուց³³ կար 280–300 ընտանիք ազգաբնակչությամբ 26 հին ու նոր գյուղ, որից 8-ում կամ առանձին-առանձին, կամ էլ բնիկ շորագյալցիների հետ միասին բնակվում էին Արևելյան Հայաստանի, Վրաստանի և Պարսկաստանի տարածքներից գաղթածները (առավելագույնը 90–100 ընտանիք)³⁴, իսկ մնացած 18 գյուղում՝ միայն շորագյալցիները: Արևմտահայերի վերաբնակեցման արդեն առաջին փուլի ավարտին, երբ ռուսական տարածքներում հաստատվել էին միայն կարսեցիները, գավառում գյուղերի թիվը հասավ մոտ 6 տասնյակի: Ավելի մանրամասն կարսեցիների տեղաբաշխումը Շորագյալում նկարագրելու համար վերջիններիս նախ բաժանենք երեք խմբի՝ ա. կարսեցիներ, ովքեր հաստատվեցին Գյումրիում, բ. կարսեցիներ, ովքեր հաստատվեցին գավառի արդեն գոյություն ունեցող գյուղերում և գ. սեփական ուժերով գյուղեր հիմնած կարսեցիներ:

Եվ այսպես, 1829–1830 թթ. արևմտահայության զանգվածային այս տեղաշարժը Գյումրի բերեց Կարս քաղաքի գրեթե ողջ քրիստոնյա ազգաբնակչությանը, որն ըստ Կրպեի հաղորդած տվյալների՝ Ստեփանոս արքեպիսկոպոս Խաժակյանի առաջնորդությամբ տեղափոխվել էր 693 ընտանիք կամ մոտ 5000–5500 մարդ³⁵, և որը մեր կողմից պայմանականորեն նշվում է որպես Շորագյալում հաստատված կարսեցիների առաջին խումբ: Բայց ոչ բոլոր հեղինակներն են կարսեցիների այս թվաքանակի ու նրանց ամբողջությամբ Գյումրիում հաստատվելու հարցում համակարծիք Կրպեի հետ: Հայ պատմագրության մեջ այս հարցի վերաբերյալ ընդունված վարկածի համաձայն, որ առաջ է քաշվել Գյուտ քահանա Աղանյանցի և Եփրեմ Սեթի կողմից, կարսեցիները կազմել են ոչ ավելի քան 600 տուն և սահմանն անցել են ոչ միանգամից, այլ նախապես բաժանվելով երեք մասի³⁶: Ավելին, Եփրեմ Սեթի վկայությամբ՝ Գյումրիում հաստատվել էին միայն Կանցի Մարտիրոսի առաջնորդությամբ եկածները, իսկ կարսեցիների այլ երկու խմբեր՝ Մուղղուսի Ավոյի և Ստեփանոս արքեպիսկոպոսի գլխավորությամբ տեղավորվել էին առաջինը՝ Փամբակի Ղարաքիլիսայում, իսկ երկրորդը՝ Շորագյալի Ղիչաղ (Հառիճ) գյուղում³⁷: Այնպես որ արդեն 1830 թ. օգոստոսին Կարս քաղաքում, մատենադարանի մի վավե-

³³ Փամբակ-Շորագյալի դիստանցիայի Շորագյալի տեղամասի գյուղական բնակավայրերի 1826–1832 թթ. կամերալ ցուցակագրման ձեռագրերում Գյումրին չկա, թեև գյուղ էր և քաղաքի կարգավիճակ ստացավ միայն 1837 թ.: Պատճառը հետևյալն էր՝ XIX դ. 20-ական թվականների սկզբներից սկսած կառավարական շրջանակներում արդեն կարծիք էր ձևավորվել Գյումրին քաղաքի վերածելու մասին, ուստի և մարդահամար անցկացնելիս բնակավայրը որպես գյուղ չէին դիտարկում (մանրամասն տե՛ս Т. А к о п я н. Развитие Еревана после присоединения Восточной Армении к России. Сборник документов, 1801–1917 гг. Ереван, 1978, с. 79):

³⁴ ՀԱԱ, ֆ. 47, ց. 2, գ. 134, թ. 42–44, Տեղեկագրական պատառիկներ. Արևելյան մասն Շիրակա. – □ Արևելյան մամուլ □, թիվ 19, 1 հոկտեմբերի, 1898, էջ 737, թիվ 22, 15 նոյեմբերի, էջ 855, թիվ 23, 1 դեկտեմբերի, էջ 890:

³⁵ Կրպե. նշվ. աշխ., էջ 56, 97:

³⁶ Գ. ք. Աղանյանց. Կարնո գաղթը (1829–1830), Թիֆլիս, 1891, էջ 24–25, Մ. Կարապետյան. Եփրեմ Սեթը արևմտահայության 1829–30 թթ.-ի գաղթի մասին. – ՊԲՀ, 1997, -2, էջ 292:

³⁷ Մ. Կարապետյան. նշվ. հոդվ., էջ 292:

րագրի համաձայն, մնացել էին ընդամենը 10³⁸, իսկ ըստ մեկ այլ վավերագրի՝ 50–60 տուն հայեր³⁹:

Կարսեցիների թվի և ամբողջությամբ Գյումրիում նրանց հաստատված լինելու վերաբերյալ մենք ունենք մեր առանձնակի կարծիքը. մասամբ համամիտ լինելով Կրպեի հետ՝ մենք ամբողջապես չենք ժխտում նաև Գ. քահանա Աղանյանցի ու Եփրեմ Սեթի վկայությունների ճշմարտացիությունը: Այսպես, ճիշտ համարելով Կրպեի այն հայտարարությունը, թե Կարսից եկածների ընդհանուր թիվը 693 ընտանիք էր կամ մոտ 5000–5500 մարդ, մենք միաժամանակ չենք կարող համամիտ չլինել նաև Գ. քահանա Աղանյանցի և Եփրեմ Սեթի հետ այն հարցում, թե կարսեցիները ռուսթուրքական սահմանն անցնելու նախօրեին բաժանվեցին երեք խմբի, բայց տեղավորվեցին ոչ թե Ղարաքիլիսայում, Գյումրիում և Ղիչաղում, ինչպես նշում են նրանք, այլ՝ Ղարաքիլիսայում, Գյումրիում և Սոգուլիում, ինչպես գտնում ենք մենք: Այսպիսով, Գ. Աղանյանցի ու Եփրեմ Սեթի հետ մեր ունեցած տարաձայնության գլխավոր պատճառը ոչ այնքան կարսեցիների թվի վերաբերյալ է, որքան Ստեփանոս արքեպիսկոպոսի և կարսեցիների՝ Սոգուլիի փոխարեն Ղիչաղում հայտնվելու մասին: Մեր կարծիքով՝ Ստեփանոս արքեպիսկոպոսը ու նրա կարսեցիները Ղիչաղ չեն մտել: Ստեփանոս արքեպիսկոպոս Խաժակյանը հաստատվել է Գյումրիում և մինչև 1837 թ. մարտի 27-ը կաթողիկոսի հրամանով եղել այստեղ հաստատված արևմտահայերի հոգևոր առաջնորդը⁴⁰, ինչի մասին էլ հենց ինքը՝ արքեպիսկոպոսը տեղեկացրել էր 1834 թ. հուլիսի 3-ին Կարնո թեմի նախկին առաջնորդ Կարապետ արքեպիսկոպոսին ուղղված իր նամակով⁴¹: Ինչ վերաբերում է կարսեցիների՝ Ղիչաղ գյուղում հաստատվել-չհաստատվելուն, ապա նշենք, որ մեր ունեցած տվյալներով 1829–1831 թթ. վերաբնակեցման ողջ ընթացքում Շորագյալի գավառի վերոհիշյալ գյուղում որևէ կարսեցի չի հաստատվել: Գյուղը վերակենդանացել է միայն ի հաշիվ Բասենի Մժնկերտից եկածների⁴²: Հետևաբար, կարելի է պնդել, որ կարսեցիների երրորդ խումբը, տեղավորվել է Սոգուլիում⁴³:

Այսպիսով, 1829–1830 թթ. ընթացքում Կարս քաղաքից Փամբակի Ղարաքիլիսա, Շորագյալի Գյումրի ու Սոգուլի գյուղեր են տեղափոխվել շուրջ 693 ընտանիք, ընդ որում սրանց մեծագույն մասը՝ մոտ 600 ընտանիք (այդ թվում՝ 150 ընտանիք հույներ)⁴⁴, հաստատվել է Գյումրիում, 40 ընտանիք Սոգուլիում, իսկ մնացած 53-ը՝ Ղարաքիլիսայում:

³⁸ Մաշտոցի անվան Մատենադարան (այսուհետև՝ ՄՄ), Կաթողիկոսական դիվան, թղթ. 74, վավ. 246, էջ 1:

³⁹ Նույն տեղում, թղթ. 66, վավ. 54:

⁴⁰ Կրպե. նշվ. աշխ., էջ 79:

⁴¹ ՄՄ, Դիվան Կարապետ արքեպիսկոպոսի, թղթ. 163 դ, վավ. 1407:

⁴² ՀԱԱ, ֆ. 47, ց. 2, գ. 108:

⁴³ Տեղեկագրական պատասխիկներ. Արևելյան մասն Շիրակա. – ՕԱրևելյան մամուլ, թիվ 18, 15 սեպտեմբերի, 1898, էջ 737:

⁴⁴ Орест Евицкий. Статистическое описание Закавказского края, с присовокуплением статьи: Политическое состояние Закавказского края в исходе XVIII века и сравнение оною с нынешним. СПб., 1835, с. 152.

Մեր կողմից առանձնացված կարսեցիների երկրորդ խումբը Շորագյալում հաստատվեց արդեն գոյություն ունեցող 26 գյուղերից 17-ում, ընդ որում՝ նրանց քանակի վերջնական հաշվառման ժամանակ (խոսքը գնում է «Արևելյան մամուլի» և Ս. Էփրիկյանի և 1829–32 թթ. կամերալ ցուցակագրման տվյալների մեր կատարած համադրության մասին) պարզվեց, որ նշված գյուղերից միայն 7-ում են կարսեցիները հաստատվել բնիկ շորագյալցիների հետ և կազմում էին 143 ընտանիք կամ 943 մարդ (տե՛ս աղ. 2)։

Աղյուսակ 2

Գյուղերը	Ընտանիք	Ար.	Բգ.	Ընդամենը	Որտեղի՞ց են եկել
1. Բանդկան	25	103	93	196	Կիկոն գյուղից
2. Ղասմալի	14	46	37	83	Քեչե-Պոա գյուղից
3. Թալիբօղլի	17	59	53	112	Քյուլվերան գյուղից
4. Ղութնիդշաղ	5	22	9	31	Բնձե-Սու գյուղից
5. Դուզբենդ	38	158	169	327	Ջումուշլու, Շահնալար, Քյուրուկդարա և Փալդրվան գյուղերից
6. Ղուլիջան	34	99	80	179	Քերս
7. Եսաուլ	10	14	1	15	Բաշ-Շորագյալ
ընդամենը	143	501	442	943	

Ինչ վերաբերում է մնացած 10 գյուղին՝ Թաքնալի (Գոգահովիտ), Չրախլի, Փոքր Բեքանդ, Քյավթառլի (Փանիկ), Մեծ Քյափանակ (Մուսայեյյան), Իլլի Ղարաքիլիսա (Իլլի), Արթիկ, Ղզրլիլիսա, Չոռլի և Մահմուդջուղ, ապա սրանցում բնիկ շորագյալցիների ու կարսեցիների հետ միաժամանակ հաստատվեցին Արևմտյան Հայաստանի նաև այլ շրջաններից եկածներ, որի հետևանքով էլ այս գյուղերում հաստատված կարսեցիների ստույգ թիվը պարզելն անհնար է (տե՛ս աղ. 3)։

Պարբերաբար կրկնվող այս խնդիրը, մեր կարիծիքով, առաջացավ այն պարզ պատճառով, որ վերաբնակեցման գործընթացն իշխանությունների անփութության պատճառով, սկսվելուց կարճ ժամանակ անց, դուրս եկավ Գաղթականական կոմիտեի վերահսկողության տակից և ընդունեց տարերային բնույթ։ Արդյունքում մեծ թվով արևմտահայեր, սահմանն անցնելուց հետո, տեղավորվեցին ոչ թե ըստ վաղորդք մշակված ծրագրի, այլ ով որտեղ կարող էր։ Թերևս միայն այս կերպ կարելի է բացատրել այն փաստը, որ Կարսի նահանգի 46 գյուղերի քրիստոնյա ազգաբնակչությունը Շորագյալի գավառում հաստատվեց ոչ թե 32՝ ինչպես նշված էր Բերխամանի վերը նշված ցուցակում (տե՛ս աղ. 1), այլ 50 գյուղերում⁴⁵։ Ավելին՝

⁴⁵ Ի դեպ, նույնը կրկնվեց նաև Էրզրումի նահանգի քրիստոնյա ազգաբնակչության տեղավորման ժամանակ։ Համաձայն Գաղթականական կոմիտեի որոշման՝ վերջիններս ամբողջությամբ հաստատվելու էին Ախալցխայի և Ախալքալաքի գավառներում։ Մակայն ավելի քան 1800 ընտանիք (այդ թվում՝ 150 ընտանիք հայ կաթոլիկներ) հասնելով Կարս, վերաբնակեցման վատ կազմակերպված լինելու պատճառով, չկարողացան շարունակել

Բերխմանի ցուցակում նշված Շորագյալի գավառի 32 գյուղերից 6-ում կարսեցիներ ընդհանրապես չհաստատվեցին: Փոքր Ղարաքիլիսա, Ղափլի, Բաշգյուղ, Հաջինագարդուլի, Մեջիթլի և Արըխվալի գյուղերը համալրվեցին ի հաշիվ Պարսկաստանից, Ալաշկերտից, Մուշից և Խնուսից եկածների⁴⁶:

Աղյուսակ 3

Գյուղերը	Ընտանիք	Ար.	Իգ.	Ընդամենը	Որտեղի՞ց են եկել
1. Թաքնալի	17	51	56	107	Կարսի ու Կարինի վիճակներ
2. Տավշանդշլաղ	27	78	64	142	Կարսի ու Բասենի գյուղեր
3. Հոռոմ	59	167	145	312	Կարս, Կարին, Բայազետ
4. Չրախլի	14	58	37	95	Կարսի Փարգիտ գյուղ, Բասեն և Ալաշկերտ
5. Փոքր Բեքանդ	12	49	39	88	Երևան, Կարս, Մուշ, Ալաշկերտի գյուղեր
6. Քյաֆթառլի	15	52	40	92	Կարս, Ալաշկերտ, Կարին
7. Մեծ Քյափանակ	51	167	96	263	Կարս, Ալաշկերտ
8. Իլլի Ղարաքիլիսա	31	89	71	160	Կարս, Կարին
9. Ղանլիջա Ներքին	14	44	40	84	Կարսի Պեշքիլիսա ագարակ, Ինճեկեր, Դերջան, Մուշ
10. Արթիկ	100	334	305	639	Կարսի Բենգլի Ահմեդ, Կանի, Կարնո Կան գյուղեր
11. Ղազարապատ	54	194	28	222	Կարս, Ալաշկերտ
12. Սվանվերդի	42	138	119	257	Կարս, Բասեն, Իլանլու գյուղ, Ալաշկերտ
13. Աղին	28	79	62	141	Կարս, Խնուս, Ալաշկերտ, Սեբաստիա
14. Ղեղաչ	17	50	44	94	Կարս, Ալաշկերտ, Կարին,
15. Ղզըլքիլիսա	26	86	68	154	Ապարանի Հաջիգայիր գյուղ, Պողոտաշեն, Կարսի Ղոշավանք գյուղ
16. Սոնգուլի	17	63	31	94	Կարս, Ալաշկերտ
17. Արմուլի	23	62	52	114	Կարսի Թեքնիզ, Վաղի, Ալաշկերտի Տութագ և Բասենի Եավան գյուղեր

Իրենց ճանապարհը դեպի Ախալցխա: Արաքսն անցնելուց հետո նրանցից 200 ընտանիք մեկնեց Փամբակի Մեծ Ղարաքիլիսա գյուղը, իսկ մյուսները հաստատվեցին Շորագյալի գավառում (մանրամասն տե՛ս Գ. Ադանյանի Գարնո գաղթը.– «Արձագանք», Թիֆլիս, 1899, №11, էջ 166–167):

⁴⁶ Այդ մասին տե՛ս Ալեքսանդրապոլի գավառը վիճակագրական նյութերում (XIX դ.–XX դ. սկիզբ), Փաստաթղթերի և նյութերի ժողովածու, աշխատասիրությամբ՝ Ա. Հայրապետյանի, Երևան, 2011, էջ 27–30:

18. Մահմուդջուղ	60	212	137	349	Լոռի, Կարս, Բասեն, Ալաշկերտ
19. Ղազանչի	52	168	113	281	Կարսի Բաշ-Շորագյալ, Բասենի Պրատոն գյուղեր
20. Մոլլա Գյոկչա	59	225	146	371	Կարսի Ղզըլ-Չախչախ գյուղ, Բասեն, Խնուս, Ալաշկերտ
21. Փոքր Քյափանակ	17	68	50	118	Կարսի և Կարինի վիճակներ
22. Չոռլի	5	19	8	27	Վրաստան, Կարս, Բասեն
23. Նորաշեն	33	93	70	163	Կարսի Քեափաձի, Ջերմուկ գյուղեր, Ալաշկերտ, Դերջան
24. Օրթաքիլիսա	35	109	78	187	Կարս, Կարին
25. Դիրաքլար	31	99	75	174	Կարս, Դերջան
26. Մեծ Քեթի	42	127	88	215	Կարսի Ղզըլ-Չախչախ գյուղ, Մուշ, Բասեն
ընդամենը	881	2983	2142	5125	

Շորագյալի գավառում հաստատված կարսեցիների երրորդ և վերջին խումբը, այսպես կոչված, նոր գյուղեր հիմնողներն էին, որոնք ռուս-թուրքական սահմանն անցնելուց հետո, Շորագյալի արդեն գոյություն ունեցող գյուղերում հաստատվելու փոխարեն նախընտրեցին հիմնել նորերը (սրանք վերականգնեցին ու հիմնեցին ավելի քան 33 գյուղեր): Հետագայում՝ մինչև 1831 թ. նշված գյուղերից զուտ կարսեցիներով բնակեցված մնացին միայն 17-ը (տե՛ս աղ. 4):⁴⁷

Աղյուսակ 4

Գյուղերը	Ընտանիք	Ար.	Իգ.	Ընդամենը	Որտեղի՞ց են գաղթել
1. Շիրվաջուղ	56	169	152	331	Քաջբերունյաց Ղզըլ-Ղարա գյուղից
2. Դահարլի	64	183	160	343	Արևմտյան Շիրակից
3. Քյալալի	12	42	32	74	Կարսի վիճակից
4. Բոզդողան	13	34	36	70	Փոքր Քեդիկլեր
5. Սարիբաշ	8	21	21	42	Վալի գյուղից
6. Եզանլար	34	112	93	205	Ջոնուշուից ու Բուիկից
7. Բողազքեսան	35	101	82	183	ՈԲդուզլու գյուղից
8. Թումարտաշ	32	112	90	202	Բերնա և Ղարաքիլիսե գյուղերից
9. Ճզիլար	24	102	82	174	Քեդիկլեր գյուղից
10. Փոքր Քեթի	18	39	64	103	Ղզըլ-Չախչախից
11. Բայանդուր	52	165	138	303	Կարսի վիճակից

⁴⁷ ՀԱՍ, ֆ. 93, ց. 1, գ. 85, էջ 1–12, 27–30, 70–73, 81–83, 106–108, 167–176, 259–265, 283–291, գ. 86, էջ 28–36, 45–47, 91–106, 108–114, 218–227, 306–309:

12. Ղոնախորան	40	130	95	225	Ենի-Գեոյ, Ջային-Մագիրա և Ղարազան
13. Մեծ (Վերին) Ղանլիջա	23	66	45	111	Բնջելեր գյուղից
14. Չիրալիլի	17	68	48	116	Անիից և հարևան Ճալար գյուղից
15. Ալահքիլիսա	7	22	6	28	Գյուլեյրանից
16. Ղըրխդագիրման	37	107	75	182	Նախչվան
17. Սոգուլի ⁴⁸	40	127	113	240	Կարս քաղաք
ընդամենը	512	1600	1332	2932	

Ընդ որում, դրանցից մեկում գրանցվեց գավառի համար աննախադեպ իրադարձություն: Այն ժամանակ, երբ քրիստոնյաների վերաբնակեցումը Թուրքիայի տարածքից ընդունել էր զանգվածային բնույթ, Կարսի փաշայության Գյուլեյրան գյուղից Շորագյալի գավառի Ալահքիլիսա (Բայթար) գյուղում հաստատվեցին 7 ընտանիք թաթարներ (28 մարդ)⁴⁹: Սույն բացառիկ (գոնե Շորագյալի գավառի համար) իրադարձությունը, մեր կարծիքով, ունի միայն մեկ բացատրություն: Շատ հավանական է, որ Ալահքիլիսայում հաստատված այս 7 ընտանիք թաթարները, որոնք, ըստ էության, դարձան այս գյուղի եթե ոչ հիմնադիրները, ապա գոնե վերականգնողները, ոչ վաղ անցյալում ապրել են Շորագյալի գավառի մահմեդական գյուղերից որևէ մեկում, և Կարսի փաշայության տարածքում էին հայտնվել միայն 1825 թ. վերջերին՝ ռուս-պարսկական հարաբերությունների սրման պատճառով Շորագյալի գավառից մահմեդականների արտագաղթի ժամանակ, իսկ ռազմական գործողությունների ավարտից հետո, չհամակերպվելով նոր բնակավայրում ստեղծված պայմաններին, հետ էին վերադարձել:

Նոր հիմնադրված գյուղերից մնացած 16-ում՝ Ղազարապատ (Բսահակյան), Սվանվերդի, Աղին, Ղեղաչ, Սոնգուլի, Արմուլի, Ղազանչի, Մոլլա Գյոկչա (Մարալիկ), Փոքր Քյափանակ, Նորաշեն, Օրթաքիլիսա, Դիրաքլար, Տաշանդշլաղ, Հոռում, Մեծ Քեթի և Փոքր Ղանլիջա, հետագա գործողությունները ընթացան համաձայն արդեն ծանոթ սցենարի: Մինչև վերաբնակեցման ժամկետի պաշտոնական ավարտը սրանցում կարսեցիներից բացի տեղավորվեցին նաև Արևմտյան Հայաստանի այլ շրջաններից եկածներ, ինչն էլ թույլ չի տալիս հստակություն մտցնել այդ գյուղերում հաստատված ինչպես կարսեցիների, այնպես էլ այլ շրջաններից եկածների թվաքանակի հարցում: Ուղղակի հաշվի առնելով այն հանգամանքը, որ գյուղերը հիմնվել են կարսեցիների կողմից, մենք ենթադրում ենք, որ, չնայած հետագա համալրմանը, հիմնադիրներն այստեղ, այնուամենայնիվ, պիտի կազմեին բնակչության նվազագույնը 1/3 մասը: Ի դեպ, այս սկզբունքը կիրառելի է Շորագյալի գավառի բոլոր այն 26 գյուղերի հա-

⁴⁸ Սոգուլիի գաղթած 74 ընտանիքից 18-ը՝ Սարդարապատից էին, 40-ը՝ Կարսից, իսկ մնացածները՝ Ալաշկերտից, Մուշից և Բասենից (մանրամասն տե՛ս Տեղեկագրական պատառիկներ. Արևելյան մասն Շիրակա. – «Արևելյան մամուլ», 1898, էջ 737):

⁴⁹ Հայաստանի և հարակից շրջանների տեղանունների բառարան, հ. 1, Երևան, 1986, էջ 70:

մար, որոնցում նորեկների առանձին-առանձին հաշվառում չի անցկացվել (տե՛ս աղ. 3):

Ամփոփելով մեր խոսքը՝ նշենք հետևյալը. արևմտահայության վերաբնակեցման առաջին փուլում, երբ ռուսական տիրույթներում հաստատվել էին դեռևս միայն կարսեցիները, Շորագյալի գավառ փոխադրվեց ավելի քան 1549 ընտանիք (մոտ 8330 մարդ), որից 600 ընտանիքը (3600 մարդ) հաստատվելով Գյումրիում՝ դարձավ 1837 թ. հիմնված Ալեքսանդրապոլ քաղաքի ազգաբնակչության կորիզը: Մնացած 949 ընտանիքը (մոտ 4729 մարդ) տեղավորվեց գավառի գյուղերում՝ դրանց թիվը 26-ից հասցնելով 59-ի: Այսինքն՝ միայն կարսեցիների շնորհիվ Շորագյալում հիմնվեց ու «վերակենդանացավ» 33 բնակավայր: Մակայն վերջիններիս տեղաբաշխումը գավառի գյուղերում միակերպ չեղավ: 26 գյուղում Արևելյան Հայաստանի, Վրաստանի, Պարսկաստանի և Օսմանյան կայսրության տարբեր շրջաններից եկածները՝ թվով 881 ընտանիք (5125 մարդ) տեղավորվեցին միասին՝ դրանով անհնարին դարձնելով այդ գյուղերում կարսեցիների ստույգ թվի պարզումը: Այդուհանդերձ, հաշվի առնելով այն հանգամանքը, որ ռուս-թուրքական սահմանն առաջինն անցան և այս գյուղերում առաջինը հաստատվեցին կարսեցիները, կարծում ենք, որ նրանք պիտի կազմեին բնակչության 1/3-ից ոչ պակաս՝ մոտ 294 ընտանիք (շուրջ 854 մարդ): Գավառի մյուս 24 գյուղերում, պատկերն ավելի դյուրին էր: Կարսեցիներն այստեղ հաստատվել էին կա՛մ տեղացիների հետ միասին, կա՛մ նոր գյուղեր էին հիմնել և կազմում էին 655 ընտանիք (3875 մարդ):

О ЧИСЛЕННОСТИ КАРССКИХ ПЕРЕСЕЛЕНЦЕВ, ОБОСНОВАВШИХСЯ В ВОСТОЧНОМ ШИРАКЕ В 1829–1831 гг.

АРМЕН АЙРАПЕТЯН

Резюме

Адрианопольский мир, заключенный 2 сентября 1829 г., дал возможность более 12 300 семьям турецкоподданных христиан в надежде на более или менее благополучную жизнь переселиться в русскоподданные районы Восточной Армении. Среди них жители Карса составляли 2464 семьи, которые должны были поселиться в уездах Шорагял и Памбак, отчасти и в Армянском марзе. Однако, спустя короткое время от начала процесса переселения, оно стало стихийным, и многочисленные армяне обосновались не по заранее намеченной программе, а кто где мог. Это, в свою очередь, затруднило пересчет новоприбывших. В Шорагяле распределение жителей Карса проводилось по трем направлениям: а) жители Карса, которые обосновались в Гюмри, б) жители Карса, которые обосновались в уже существующих в уезде селах и в) жители Карса, которые сами основали села. В течение неполного года на территории уезда обосновалось более чем 1549 семей. Из них 600, поселившихся в Гюмри, стали ядром городского населения города Александрополя, основанного в 1837 г. Остальные 949 семьи разместились в 50 селах уезда, при этом в 26 (около 294 семей) – вместе с прибывшими из разных районов Ирана и Османской империи. В остальных

24 селах уезда жители Карса (655 семьи) обосновались или вместе с местными жителями, или в новопостроенных селах.

ON THE AMOUNT OF KARS RESETTLERS CONFIRMED
IN EASTERN SHIRAK IN 1829–1831

ARMEN HAYRAPETYAN

S u m m a r y

The treaty of Adrianople made on the 2nd of September gave more than 12.300 Turkish-obedient Christians chances to resettle in Russian-obedient areas of Eastern Armenia with the anticipation of having somehow well-being life. The inhabitants of Kars, among them 2464 families, were to settle in the provinces of Shoragyal and Pambak, partially in the Armenian region as well. But after a short period of the rehabilitation, the process was of spontaneous nature, and a great number of Western Armenians settled not according to the already planned project, but to their needs. This, in its turn, made the registration process of newcomers complex.

The distribution of Kars inhabitants in Shoragyal went into three directions: a. Kars dwellers who settled in Gyumri, b. Kars dwellers who settled in the existing villages of the province and c. Kars dwellers who founded villages with their efforts. In the course of a year more than 1549 families settled in the territory of the province. 600 of them, settled in Gyumri, became the main bulk of Alexandropol (founded in 1837). The rest of 949 families settled in 50 villages of the province, among them 294 families with the population of Eastern Armenia, Georgia, Persia and Ottoman Empire. The inhabitants of Kars in 24 other villages of the province (655 families) had settled either with the natives or had founded new villages.